

OMUKWETU



Oshifo shOngerki onkwaevangeli paLuther yomOwambokavango/Die Tydskrif van die Evangeliese Lutherse Ovambokavango Kerk

No. 5

MALITSA

1968

NGELE TO ALUKWA, KONGA MBALA EKWATHO LYOMUNDOHOTOLA



“Ngele nani iinima osho tayi ende ngeyi, ngame otandi laleke iilonga”

“Inandi hala we nando okutala omunaskola nenge ehala limwe lyoskola. Ihe otandi ka kala owala ngashingeyi omukadhona gwomomukunda, notandi ka ningina mo tu shili.” Osho Mirja a tokola omatokolo ge gomuule sho a kondo olugumbo lwaNandjokwe a ka konge iihauto ye a ye kegumbo, oshoka ina taambwa moskola yuupangi.

Mirja okwa li a piti nawa omakonakono ge gostanda ontihamano nokwa li a nyanyukwa sho uudhitha oofom (oombapila dheindilo a taambwe moskola.) Okwa li u uvite Kalunga okwe mu ithanene oshilonga shuupangi. Okwa tsikile okwiipopila muye mwene kuya:

“Siku limwe momumvo tagu ya ope na nga ompito yokutaambwa, ihe oshoka owala natango otapu ka kala oyendji yendji mboka taa ka pita osee. Osho ngame otandi aadhika nda dhimbwa kashona.

“Oshili Kalunga okwa tokola ngaaka ndi kale kaandi shi omupangi? Yaye ngame sho nda gwile memakelo li thike mpa!”

Mirja osho a igidha noompanda dha tuta omahodhi.

“Etha owala ngame otandi kii dhimbitha ashike nenyanyu kehe tandi li tsakanene mbala pehala kehe, ngele li kale kaalishi ewanawa. Nokuli tatekulu kOmbaye okwa li ithanene ndje nale, ihe omolwa shoka ashike nda li ndu uvite ondi li moskola.”

“Pamwe nomOkamba yaEdward, ote vulu okumona mo iilonga, oshoka aluhe okwa kongo omuntu e shi okuyalula iimaliwa. Nokuli sho hapu udha ngeyaka, nena otandi ka dhimbwa mbala wo oshinima shika.”

Osho ngaaka Mirja ondjila ayihe okwa ende ta tungu uugumbo we womombepo. Sho a thiki pegumbo, okwa adha ishewe okamwayina Ida ke li pegumbo, oshoka kosees kOshigambo oka tidhwa ko, aniwa ongundu ndjono oya totwa ngaashingeyi kaanona.

He nayina sho ya ka pulile kuya, omolwashike okamwana Ida inaaka taambwa mokagumbo, oya zi ko noyekondo limwe.

“O, omalandulathano gooskola dhongaashingeyi onyata yowala. Ou shi uunona wetu otawu ka pita we? Hashili.”

Osho he yaMirja naIda a popi neyeme enene. Sho e shi hokolola pomushiinda gwe komatango manga ya li taa kongolola iimuna, omu-

shiinda gwe okwa yagululwa moshilalo shuululume sho ya adhika opo ya nyenyeta nomulongi gumwe, aniwa omolwokamwana Shesheke ka ndopithwa momakonakono.

“Ngaashi to tala Shesheke yandje ngono okwa li andola e nokuya mofeifi, ihe a ndopithwa kelongi ndyo. Okanona e ka tonde shili. Esiku kehe oku ka tumbula owala nokutumbula keembo lyawo. Ihe ngele osho tatu kala nomalongi ngono ga zaazaa, omu shi oshigwana otashi humu ko? Uunona ngowetu yamwe itau ka kala we mooskola.”

He ya Mirja ta yi mo:

“Iilongi yimwe ihayi tidhwa po nda ti mbyono, ne aantu tamu kala ngaa naavalelwamo yeni, pamwe hwepo.” Osho a gandja omadhiladhilo komushiinda she, manga ta minikile noshikaha, oshoka etango olya li tali ka ningina noku lwete sha sha fa tashi luudha ko.

“Aawe, ngele nani osho tashi ende ngeyi ngame otandi laleke mo miilonga.”

Mukwanangombe osho te ende ti ipopile.

“Oshike ano kuku to mbilingile ngaa ngoye to ipopile? Oto zi peni ano?”

He yaMirja ta pula ye te ende a fa u uka lwokuye e ke mu tsakanene.

“Otatu zi kiigongi yetu mbyono aniwa oyookamutie nenge ohamu ti ngiini walye wo.”

Osho a yamukula a fa a sa uunye. “Ee,”

He yaMirja ta zimine a fa a hala oku mu kuka omulombo.

Mukwanangombe: “Osho, oto dhiladhila pokuma pe na owala aalongi yahamano, ihe aniwa oya gwana, ye omulongi gumwe sikulimwe ota longo nando uunona e thele limwe, nena oshinima to shi tile ngiini shono? Efolou ngu twaa dhika twa langeke mpoka, skolarata e mu kutha po ishewe. Ndele ihe oPetu tuu ngiika ngo gwomunkwayinkwayi ngo.”

“Iinima mbyono owa adha oyo tatu popi mbyo.”

Omushiinda gwahe yaMirja te dhi yakula andola. Ihe manga inaa hulitha omadhiladhilo ge, Mukwanangombe okwa yi mo ishewe.

“Yo mbaka ishewe omukuntu gwoskola yokuunona naanguka gwOkagumbo oyu uhala ya pilukilathana, aniwa uunona tuu mbono tau thigi po ongundu yawo uye palwe omakamba gowala, uunona itau hala pomagumbo.”

Ndhika he yaMirja sho dhe mu nyenge okuyamukula, oshoka odhi mu li nayi, okwa yi mo owala ta ti:

“Omu shi iinima yonuumvo otamu yi landula nde tamu yi aadha? Tokelwii po nokuli ngame nda yi ano kegumbo.”

Shaa ngoka okwa yi kegumbo nokwiipula nkene omaudhigu agehe ngaka taga ka hula po.

Aantu omayovi nomayovi miilongo ayihe iheyali yomOwambo oya gwiile montompo yoshipilili shika sha lungwa kehumokomeho nokekoko lyoshigwana. Okanona nge taka koko, nena otaka pula eputudho lyoonkondo nolya kola. Osho wo oshigwana shi li.

Kalunga na hambelwe sho tu na omalandulathano goongundu dhaaputudhi dha tya, ngaaka ngaashi aalongi, aavali, omalelonongelo nomatonatelonongelo. Oshigwana osha tulwa pokati. Omuhangenwa iha sindi.

Tu kutheni po omeho getu okutala ashike omausama taga holo ka miilonga yetweni. Opo kaatu dhimbulule ashike onakuyiwa (toekoms) yetu nkene ya fa kaayi na etegameno lyelago lyasha. Ihe omeho ga taalele omutameki nomugwanithi gweitaalo moshigwana shetu Oye Jesus.

“Ngaashi wa kwatathana nomeehamo gaKristus osho mwa kwatathana netalaleko wo.” Oshigwana nge tashi hakanwa kiinima ya fa ngaambika, ngaashi oyo naanaa efuta kaali nohenda, kehe gumwe galikana maandjeni nomutima gwa pupyala, oshoka otaku ningi shaa ngoka ta kugile edhina lyOmuwa ekwatho oye ota hupu.

Sebulon Ekandjo.

WAA PANDULA NOYAKA

Tse aakwanegongalo lyOnayena otu na omapandulo omanene kookuume ketu koombinga noombinga mboka ye tu kwatha mokuumba ongalo yongerki yetu sho ya pi omumvo 1967. One omusamane Abraham Njambali nookuume ke R31.00; Johannes Malakia nookuume ke R12.44, Stefanus Iteua naamati yakomboni mOvenduka 31.65. Osho wo omusamane A. D. Naulondo nookuume ke R5.00. Amuhe nde mu tumbula otandi mu halele eyambeko lyaKalunga.

Okugandja, okutsilika.

Peha lyegongalo omukweni moshilonga,

Ndjikindjiki.

OKUTUNTILA AANONA

Mokutuntila, omuntu ta pewa omuti gwokukondjitha uuvu wontumba manga omuntu inaa kwatwa kuuvu mboka.

Otatu tseya kutya, oombuto dhomavu ohadhi hiti molutu nohadhi pendutha omavu. Kehe uuvu ou noombuto dhawo. Oombuto ndhoka ohadhi hiti molutu pamwe nombepo yokufudhila mo, nenge niikaha inaayi yogwa nenge niikulya osho nosho. Sho oombuto dha hiti molutu lwomuntu, olutu talu tameke okukondjitha. Olutu talu ningi iikondjithi. Iikondjithi mbika oyi ili kukehe uuvu, tashi ti, ombuto yuuvu kehe tayi kondjithwa kiikondjitho yo yene. Iikondjithi oyi noonkondo dhokudhipaga oombuto dhuuvu. Shimwe ashike iikondjithi ngele kayi po sho oombuto dhuuvu tadhi hiti molutu, omuntu ota kwatwa kuuvu. Ta kwatwa nuupu unene ngele olutu inalu kola. Ihe molutu ngele omu na iikondjithi yi noonkondo dhokudhipaga oombuto, iikondjithi otayi gamene omuntu kaa kwatwe komavu. Uunona kau niikondjithi nohau kwatwa nuupu komavuge nomukwayu, na omolwa sho onawa okutuntila uunona waa kwatwe komavugi ili nogi ili manga u li po uushona natango.

Ngashingeyi otatu vulu okutuntila omolwa omavu ngaka:
OSHIKAYIKAYI
UUVU WA "AA"
UUVU WOKWIKANYATELA
UUVU WOKULEMANEKA
UUNONA
TUBERKULOSIS B.C.G.
UUVU WOSHIKOLoha osho nosho.

Okanona sho ka valwa taka vulu okuwendwa omolwa uuvu wepunga (TB) kutya, kaa kwatwe kuuvu mboka. Konima yomvula yimwe okanona taka konakonwa ishewe nangele kake niikondjithi taka wendwa ishewe.

Okanona sho taka tsakanitha oomwedhi 3-4 taka wendwa omolwa OSHIKOLOHA, UUVU WA "AA," UUVU WOKWIKANYATELA NOMOLUUVU WOKULEMANEKA UUNONA. IHE NDHINHILIKI, MEME! Etuntulo limwe itali gwana. OKANONA KE NOKUWENDWA LUTATU ALUHE SHO OMWEDHI GUMWE GWA PITI. Okanona taka wendwa ishewe lumwe sho taka tsakanitha oomvula 3 naasho taka tameke oskola (oomvula 6-7).

Okanona sho ke noomwedhi 9 sigo 12, taka wendwa omolwOSHIKOLO-

HA. Na aluhe sho oomvula 5 dha piti.

Dhiginina, meme, u ete okanona koshipangelo ka pewe iikondjithi no-kaa kwatwe komavu ge nomukwayu.

TUBERKULOSIS = T.B.

MOshiwambo tatu ti uuvu wepunga. Edhina uuvu wepunga tali tsu oshoka omuntu ngele ta kwatwa kuuvu mbuno olwindji ta kwatwa komapunga, ihe iilyo ayihe tayi vulu okukwatwa kuuvu mbuno nomolwa shoka tatu longitha edhina uuvu wa **tuberkulosis**. peha lyuuvu wepunga.

Tuberkulosis tau penduthwa koombuto tadhi lukwa oombasilli dha tuberkulosis. Oombuto ndhoka tadhi eta tuberkulosis aguke ha omavu omakwawo. Oombuto ndhoka dhi noonkondo. Tadhi vulu okukala dhi nomwenyo ethimbo ele nando dhi li moontsi dha kukuta, ihe inadhi hokwa oonte dhetango nuuyelee. Oonte dhetango tadhi dhipaga oombuto ndhoka nokuli.

Oombuto tadhi zi komapunga gomuntu nguka te ehama uuvu waTB momapunga. Oombuto tadhi taandele nuupu ngele omuntu e na tuberkulosis ita kotoka sho ta kolola nota shemita. Omata omashonashona taga zi mokana komuvu nguka naakwawo taa taamba oombuto. Oombuto tadhi mene nawa mepunga, oshoka omu nuupyuu wa gwana nuututo. Omuntu nguka ngele ina kola nawa nenge iikondjithi kayi mo molutu, oombuto tadhi tameke okulonga mepunga nenge tadhi taandele meni lyomuntu miilyo iikwawo osho ngeyi uuvu wowene tau tameke.

Oonkondo dhokukondjitha tuberkulosis dhi nekwatathano nuundjolewele womuntu. Tashi ti: Ngele omuntu ta kotha ethimbo lya gwana nota mono iikulya tayi gamene olutu, ta idheula nota mono ombepo ya gwana pethimbo lyokukotha, kee niimpwiyu iidhigu nota kala e nombili momwenyo gwe, oku noonkondo dhokukondjitha tuberkulosis. Iikondjithi yomeni tayi kwatha wo omuntu kaa kwatwe kuuvu waTB. To pula. IIKONDJITHI tayi ti shike?

Olutu talu ningi iikondjithi, omuntu sho kwa tuntilwa omolwa TB. (Tashi popiwa palwe moshifo shika) Omuntu ta vulu okumona iikondjithi sho ta taamba oombuto oontshona ihe ke noonkondo dhokukondjitha uuvu. Oombuto sho tadhi hiti molutu, olutu talu tameke okuninga iikondjithi. Iikondji noonkondo dholutu tadhi sindi oombuto. Iikondjithi itayi kana molutu notayi kwatha omuntu komeho ngele ta aadhika ta taamba oombuto ishewe.

Iikondjithi yaTB. tayi konakonwa na TUB. TEST. Konyala aavu ayehe taa ningwa tub. test. Ta thetwa komako nota talwa konima yomasiku 7. Ngele iikondjithi kayi mo ta tuntilwa

OKUKONDJITHA TUBERKULOSIS SHI VULE OKUPANGA. OKUPANGA TB MBALA SHI VULE OKUPANGA SHO UUVU WA GEYE.

MOKUPANGA TB TU NOKUDHIGININA NAANAA NGAA-SHI NDOHOTOLA KWA UTHA.

TB TUBERKULOSIS

U NOKUTSEYA SHIKE KOMBINGA YA TUBERKULOSIS ("uuvu wepunga). Uuvu wepunga owo uuvu woinfesi tashi ti omuntu nguka te ehama uuvu wepunga ta taandelitha oombuto komuntu nguka ku li nawa.

NGELE OMUNTU TI IKONGELE EKWATHO MBALA OTA VULU OKWAALUKA NAWA.

Oombuto dha TB tadhi kala momapunga notadhi zi mo ngele omuntu ta kolola miinkololo nomayeye. Omolwa shoka omuvu nguka ku na TB ngele ta kolola ina taalela pombambo noina siikila noshikaha okana ke, nota hiya iinkololo koombinga noombinga, ta taandelitha oombuto dhaTB kaantu ayehe ye li popepi naye.

NGELE UUVU WATB WA MONIKA MBALA MANGA UUVU INAA U GEYA, OMUNTU TA MONO EKWATHO.

-Oombuto dhuuvu wepunga kadhi hole uuyeleele nokadhi hole ombepo ombwanawa. Oonte dhetango tadhi dhipanga oombuto dhika.

-IINDHINDHILIKI YOTANGO:

Omuntu

- a nanga
- ina hala iikulya
- kee noonkondo nehala okulonga
- ta pushu nuupu, unene uusiku:
- takolola kashona nakashona

UUVU WATB INAU THIGULULWA

KUTYA kape na ngoka ta valwa nawo.

U NOKUNINGA SHIKE

Ilonga u tseye iidhindhiliki yaTB. Na ngele to dhimbulula sha tashi fe iidhindhiliki yaTB inda mbala koshipangelo u konakonwe.

Etsikilo kep. 8

OSHIGONGI SHAALONGI MOKAHAO

“One omalenga gaKalunga, one aamati yaKalunga, one aalongi pamwe naKristus, kundweni,” osho omumbisofi Dr. L. Auala a popitha oshigongi shaalongi aalumentu shoka sha ningwa mOkahao 12-16 Januari 1968.

Dr. Auala okwa tsikile natango ta ti: “Otse inatu ya koshigongi shaawiliki ashike ngaashi sha tiwa. Otse otwe ya koshituthi tu nyanyukilweni mOmuwa. Tu mone oonkondo.”

Aalongi ya pita mOniipa nenge mOnguediva yevule omilongo ntano, oya zile koombinga adhihe dhOwambo noya gongalele oshituthi shawo shoomvula omilongo ntano, oseminari sho ya tameke okupititha aalongi okuza 1917-1967.

“Otu na ehanganano lya dhikwa nale, itatu pumbwa okuli konga. Ihe tu iitheteni ashike pomoho opo tu shi dhimbululeni,” Dr. Auala a yelithile oshigongi.

Oshigongi osha li shi na omadhiladhilo goshilumentu nkene yenoku mona omukalo gwoopala mokulonga oshilongatumo. Omadhiladhilo ngaka oga kala oomvula noomvula moomwenyo dhawo ihe inaa mona ompito yokutsakanena, opo ye shi kuthe mo nawa. Moonkundathana osha holoka nawa kutyakafuma otaka lile okuhita. Omamonathano oga pumba. Ashihe shi li po nashi longwe po. Ihe nando ongaaka inashi vulika, oshoka oshilonga oshinene noshinondilo. Ota shi longekidhwa natango komeho -“NaRoma inashi tungwa esiku limwe.”

Oya simaneke moshigongi noku koleka omakotadhiladhilo gokulonga etumo ngaashi ga li ga fanekwa koshigongi shaalongi oomeme sha gongalele natango mOkahao muMalitsa 1967.

Ano ehanganano ndika lyaalongi tali dhikwa otali ka taambela mo omunashilonga kehe e nehalo nota longo mOngerki ya Elok. Omautho nkene ehanganano tali ka endithwa otashi ka yela komeho.

Oshigongi sha paluthwa nonguta yokomwenyo mUulalelo Uuyapuki nosha halakana.

Seblon Ekandjo.

Aina T. Namuandi na Maria Kaleb, Engela, otaa ti: Nyanyukweni aluhe mOmuwa. Olukeno lweni nalu tseyike kaantu ayehe. Inamu kala noshimpwiyu. Uuthigona weni u tseyithileni Kalunga. Fil.3:12-15, 20-21.

M B O K A Y A P I T I 1 9 6 7

Omadhina ngaka taga landula mpaka, ogaamboka ya piti ekonakono lyuulongi omumvo 1967.

STAATSOPLEIDINGSKOOL ONGANDJERA L. P. O. II

Amadhila, Helena
Amashisha, Ilona
Amukeshe, Magano
Amunyela, Helena
Auala, Ester
Haipinge, Natalia
Hambiya, Martha
Hamunyela, Linekela
Hamutenya, Ndapunikwa
Hamutue, Sofia
Kakololo, Wilhelmina
Kakukuru, Kerttu
Lidker, Sofia
Londeinge, Rakel
Mukombabi Emma
Monyeku, Lusja
Naikaku, Maria
Naikaku, Mirjama
Nangolo, Amalia
Nangombe, Irja

Ndadi, Tuuliki
Ndaitua, Maria
Nehale, Saara
Nelumbu, Ester
Ngaikukuete, Ester
Nghidepo, Lusja
Nghitotelua, Olivia
Nghuanapo, Linea
Niinkoti, Frieda
Uusizi, Suoma
Shangala, Eunike
Shaunaua, Bertta
Shifula, Luise
Shigwedha, Frieda
Shimukete, Leone
Shino, Menete
Shipunda, Johanna
Shituula, Viktoria
Shivute, Maria
Sostenes, Ruusa

STAATSOPLEIDINGSKOOL ONGUEDIVA L. P. O. II

Amadhila, Festus
Ambambi, E. Petrus P.
Iitula, Abner, Sh.
Kanyemba, Erastus
Kapia, Damian E.
Karapo, Robert K.M.
Mokahua, Gottlib
Mukumangeni, Polykarpus
Mupolo, Shaangala

Mvula, Paulus K.
Nakumbuata, Pendapala
Namindo, Salmon
Nghikembua, Andreas H.
Shilombuelua, Epafras
Shipena, Ananias
Shipopjeni, Immanuel
Shomongula, Walter B.
Shoopala, Deongenus

STAATSOPLEIDINGSKOOL ONGUEDIVA H.P.O.

Mbaka oya nyola ekonakono lyuulongi H.P.O., ihe oombapila inadhi galuka natango kuWindhoek, pakuuva, oya fa ngaa ya pita. Oyo:-
Amadhila, Paulus
Ndeshipanda, Anna
Sheja, Loide
Uupindi, Ilona


Omadhina taga landula kepannja eti-8 ogaamboka taa nyola natango ekonakono (aanvullende eksamen) opo ya pite. Oshilongwa nenge iilongwa mbyoka taa pumbwa ya nyole, oya tulwa pomadhina gawo.

Tala etsikilo kep. 8.

TSE AAGUNDJUKA

Ando tu galikaneni ngeyi: Omuwa tu gamena. Omuwa tu theta tu yele koondjo dholudhi kehe. Tu kutha muunkolwi! Tu popyeni wo ngOmupisalmi mEpisalmi 19:13-14: Omapuko -Dhimina ndje po omapuko gandje gomonguwi. Gamena omuntu gwoye kuuntsa, owo waa pangela ndje, ongame notandi kala ndaa nomayonagulo omanene. Oohapu dhomokana kandje nomadhiladhilo gokomwenyo gwandje nage ku opalele, Omuwa, emanya lya ndje nOmukulili gwandje!

J. J. Shikongo.



J. J. Shikongo.

Onawa shili ngele ku na mpo to yi nenge mpa to zi. Nandi ku lombwele mpa to zi ngele oto yi: Oto zi puKalunga wu uka muuyuni. Ngele oto galuka, oto zi muuyuni wu uka kuKalunga.

Patokolo lEpangelongerki Enongelo Lovayakuliongalo otali tambula ovadiakonilongwa vape (oukadona) momudo 1968. Ekonakono letambulo ola shiivifwa nale li kale muJanuali 1967 Ndelene osheshi omolu omaimbo amwe oukadona vahapu va fa inava mona omhito okuuya mekonakono, Epangelongerki ola tokola moshongalele shalo 1.2.2.1968 ekonakono lipe li ningwe mangha ofikola youdiakoni inai hovela. Onghe ohatu shiivifa kutya, **ekonakono letambulo lovadiakonilongwa mEnongelo Lovayakuliongalo 21-22.3.1968**, Kalunga ngenge e shi hala. Ofikola otai ka hovela 25.3.1968.

Mekonakono eli otamu dulu okuuya oukadona ovaitaveli ve nehalo okuyakula momaongalo nova pita moSt.6 (naava va dopa). Keshe umwe na etelele eembapila edi:

- 1) eindilo lokutambulwa
- 2) ehokololo lokukalamwenyo kwaye
- 3) ombapila yeongalo
- 4) ondobwedi yaSt.6
- 5) epopilo lomufita
- 6) epopilo lomulongi ou e mu longa muSt.6
- 7) ondobwedi youkolele.

Oshilonga shoudiakoni osho oshike? Osho okuyakula kwopakriste taku dilile mohole yaKalunga yokuhola omunhu. Eyapulo olo otali lalakanene okuyakula omunhu aushe, olutu omhepo nomwenyo. Oilonga yomudiakoni meongalo otai tukulwa moitai 3 inene: 1) okuyakula kwovene, 2) elongo na 3) okuwilika. Ofikola youdiakoni otai kala eedula 4, na ava tava piti mofikola ei, otava ka yapulwa notava nangekwa kEpangelongerki. Eendjambi davo otadi futwa komaongalo.

Väinö Simojoki.
Omukulunhu wEnongelo
MEngela.

EHOKOLOLO LOYOONGALELE YOVANYASHA MOUSHIMBA

Okudja 1966-1967 ovamati mOushimba va xwama mokwoongala moyongalele yavo, okulixumifa komesho momalwiimbo nomeendjovo daKalunga.

Okwoongala kwavo.

Nande pe na eefina di lili nadi lili omolwoilonga yomake ova kendabala ngaa okukonga efimbo, unene eenguloshi nokomatango pafimbo olo tali wapalele omhepo yoshilando osho. Ohatu pandula ovadiinini vavo, nande tava mangwa koi-longa otava kendabala ngo va shiive okulongifa okafimbo oko va xupifilwa po koi-longa.

Oku na vamwe ve he nako nasha neendjovo daKalunga osho ngaha tava yulwa komutondi noiyulifo ilili nai lili kave na efimbo okwoongala moyoongalele.

Apa tapa shikula eenhele omo mu na oshoongalele nefiyafano mokwoongelela oimaliwa moikefa yavo, unene apa ovanyasha ve udite omwenyo weitavelo.

Swakopmund va ongela fiyo	R66.75
Walvisbaai-Komboni	--- R51.40
Windhoek-Stad	--- R36.00
Luderitz	--- R31.20
Outyo	--- R20.00
Windhoek-Komboni	--- R12.00
Grootfontein	--- R10.00
Otavi	--- R10.00

KleinWindhoek	--- R 9.00
Gobabis	--- R 8.56
Okahandja	--- R 6.40
Otjiwarongo	--- R 6.40

okufuta omalweendo naasho ve shi landa omolwa oyoongalele yavo, inai wedwa ko.

Otu na yo oyoongalele yovanyasha momwamemengerki mOushimba omo mu na ovanyasha ovo ovadalelwa mo eembwiti Ovawambo.

Windhoek-Katutura	--- R40.00
Walvisbaai	--- R51.00

Ava va diinina nawa nde ova fiya po oovakwao mefiyafano po, ovanashoongalele muSwakopmund. Hatu pandula yo oyoongalele ikwao omolwoudinini wavo. Eshi osha li ehovelo mangha ndele ohatu linekele Omwene ou a hovela oshilonga shaye oye te shi koleke. Ovanyasha ava va ongala moyoongalele oudwali ovali vefike 555. Eemhito opo dili omunyasha ove to di mOwambo to i moilando oyo ya tumbulwa pehovelu, konga omhito u shiive okukala omutumba peendjovo daKalunga moshongalele sheni, hashu nge omumati ile omushamane aveshe otava teelwala.

Ovadali mOwambo, indililini yo oludalo eli li li mehalakano moilonga, opo ovanyasha va fimanekife edina lOmwene Omukulili wavo.

Neudo twa hala tu tumbule atushe ava tu li moilonga yomake mehalakano ngaha:

AAKWATWA 33 OYA PANGULWA

Moshifo "Die Suidwester" sheti 23.2.68 kepanja eti 6, omwa tumbulwa omadhina gamwe gaakwa-twa yomuSuidwes mboka ya pangulwa muPretoria. Yamwe ya mono egeelo lyokukala mondholongo okukalamwenyo kwao akuhe oyo:

Eliaser Tuhadeleni, Johannes Otto Nankudu, Simeon Shihungileni, Julius Israel Shilongo, Immanuel Augustus Shifidi, Kaleb Tjipahura, Rudolf Kadhikwa, Abel Haluteni, Betuel Nunjango, Matias Elia Kanyuele, Malakia Sivute Ushona, Johannes Samuel Shiponeni, Petrus Kamati, Philemon Shitilifa, Seieon Namunganga, Hamulema, Shunima Nailenge, Ndjala Tshaningua, Sakeus Phillipus Itika naRehambeam Olavi Nambi-nga.

Yamwe ya pewa ya kale oomvula 20 mondholongo oyo: Lasarus Zachariah, David Hamunime Shimuefeleni, Josef Helao Shityuvete, Eino Kamati Ekandjo, Festus Nahale, Nghidipo Jesaja Haufiku, Toivo Herman Ja Toivo, Naftalie Amugulu naPetrus Simon Nilenge.

KAANASHILONGA AYEHE

Ngiika mwe shi uvu nale nokuli kutya, omunashilonga omukwetu omulongi Leopold Nangolo a mana oondjenda dhe sho a tsuwa nomwele pookamba dhopOndjondjo. Eeno shili

Uuyuni mbuka owo esilu lyomahodhi.

Ombanda yeve ndika, ehala lyoogodhi.

Otamu indilwa ano aanashilonga amuhe (hakethiminiko), mu umbe ongalo yokukongela nakusa Leopold Nangolo emanya.

Ongalo ndjono, naye gongelwe poohofa (paalongi aakuluntu) yookola, nopoohamushanga yomiinyangagongalo. Oohofa noohamushanga yomiinyangagongalo, naayi tumekuamushanga gwepangelonongelo lyoshikandjo sho, opo nguka e yi thikithe ishewe kuamushanga gwepangelonongelo lyOndonga yokuninginino (Ondonga-Wes).

"Shoka mwa hala aantu ye shi mu ningile, osho ya ningileni wo."

"Twi itaala Ongoye to hupitha Naawambo mUusiku mbu weso Naagundjuka taye ku pandula sho ngoy'weya hupitha meso! Okristus tu galikanena Ho, ta zimine eindilo lyoye, nota tu ka mona egundjilo, kepepo lyOmbepo ndjo yoye."

Gerson Max.

OUNYUNI OTAU TONGO SHIKE

OSHOONGALELE SHOMUDO 1970

GENEVA—Ovakulunhu vOngongahangano yOvakwaluther mounyuni, va ongalele omafiku a dja ko muGeneva, ova faneka oshoongalele(assembly)oshititano shongongahangano yOvakwaluther shi ka ongale moshilando Porto Alegre muBrazil.

Oshoongalele otashi kala nedina: "Ohandi mu tumu mounyuni." Ovaenda 400 ile 500 ova teeelwa koshoongalele osho, ovo va dja meengerki di lili nodi lili.

Nale kwa tokolelwe oshoongalele shi ongale muWeimar, East Germany, ndele eshi osha lundululwa. Oshoongalele eshi shinene shounyuni shOvakwaluther osha ongalele 1947 muLund,Sweden, 1952 omuHannover, Germany, nomomudo 1957 omuMinneapolis, Minnesota (U.S.A).

Moshoongalele osho tamu shiivifwa oilonga yongongahangano yOvakwaluther momido da dja ko. Taku hoololwa omupresidente mupe, woi-lyo ipe yewilikongudu longongahangano otaku kundafanwa yo oinima ihapu.

Moshoongalele omo omwa li omupresidente wongongahangano yOvakwaluther Dr. Schiotz, omuyakupresidente omuArchbishop Martti Simojoki waFinland, omubishofi Andrzej Wantula waWarsaw, Poland nomubishofi Stefano R.Moshi waTanzania.

Omufitaongalo Guido Torngquist, omuwiliki woilonga yongongahangano yOvakwaluther muLatin America, oye a hoololwa a kale omuwiliki woshoongalele oshititano shongongahangano, tashi ka ningwa 14-24.7. 1970 muPorto Alegre, Brazil. Ovakulunhu yongongahangano ovo ve mu hoolola a wilike oshoongalele.

ONKUNDANA YOLUHODHI

OMULONGSKOLA A TSUWA NOKWA SI OMBAADHILILA

LEOPOLD JOSEF NANGOLO, a li ha longo oskola poskola yomulukanda olupe lwopOndjondjo (Oluno), okwa si ombaadhilila, sho a tsuwa montulo nomwele komatango eti-29.2.68. Okwa tsilwa pOndjondjo kuKaale Abed.

Leopold a etwa neulumo noshihauto shaLanduleni(Landu) litope mOnandjokwe, ihe ombinzi ya tika noonkondo nokwa mana oondjenda pokuthika poshipangelo.-Ngoka a eta oshiponga shika okwa kwatwa wo mbala noku li ngashingeyi mondhologo.

Nakusa Leopold okwa longa nale oskola kOkaku. Oye omukwanyama. He nayina oye li natango pOnguediva. Egumbo lyanakusa oli li kOkaku. Omukulukadhi gwe oye Magdalena Abraham. Efumviko olya ningwa momawendo gokOnguediva.

OMABOMA A UMBWA MEPUKO

Okwa hokololwa muWashington kutya, eenghono dOvakomuni mu-Vietnam otadi tandavele neenghono. OvaAmerika otava dengwa unene nde pamwe onawa va kale ve lilongikida shili, ile va efe okulwa diva ngaashi tava dulu.

OFIYO ONHIVALI NAYO OYA DJA MO

KAAPSTAD.- Ofiyo onhivali, oyo ya tulilwe olutivali mokamenhu okambatili Jonathan van Wyk, oya kufwa mo muye vali, osheshi oya nyonauka, osho osha kundafanwa paife. Okamenhu ko vati oke li ngo xwepo. Okashina kamwe vali oko ta ka longo oilonga yofiyo oyo ya kufwa mo, fimbo tamu kongelwa.

KAUNDA HANGA A EFA OILONGA

Kwa hokololwa kutya, Kaunda, omupresidente waZambia, hanga okwa dja mo moilonga. Okwa ilikanwa nomahodi nde pa fatululwa nawa kutya, ina dja mo. Opo Kaunda okwa tokola vali okutwikila oilonga. Omatumhakano nokuhaudafana pokati koilyopangelo novakwashiwana, oyo hanga ye mu efifa oupresidende.

Oiti molwodi olo otai teka neemwenyo dihapu otadi kana. Vati omatenda (eendjebo dinene) deetona 50 oda umbwa omafiku aa mepuko popepi naSaigon. Ovaumbi vao inava yukifa opo va li va hala. Mepukotumhakano eli ova yasha ponhele imwe i lili, pa fya ovanhu 44 novamwe 57 ova ehamekwa.

Kwa hokololwa yo kutya, moilando oyo mu noita, omikifi nondjala paife oupyakadi.



Omushamane Jacobus Johannes Fouché, oye a hoololwa a ninge omupresidente waSuid-Afrika omutivali.



Ou oye Dr. Hilgard Muller, oministeli yoinima yopondje muSuid-Afrika



Ou oye omulumenhu ta wilike oita yovakomuni mokulwifa ovaAmerika muSuid-Vietnam, wedina Vo Nguyen Giap. Oye oministeli yepopilo muNoord-Vietnam. Modula 1954 oye a li omuwiliki womatanga oita oyo ya dengele ovaFransa muVietnam. Paife okwa diladilwa, Giap okwa hala a ninge sha vali kombinga yo-vaAmerika.

-Hala u pewe ombepo ombwana-wa, unene mokulala kwoye. Omolwa shoka ino siikila omutse. Omakendo nenge oombululu to dhi egulula ombepo yi hite mondunda.

-Ilonga u tseye oshike iikulya iiwanawa tayi ku kwatha u kondjithe uuvu wa TB.

-Ino nwa iikolitha.

-Ngele wa adhika kuuvu mbuno kotoka nokukotokelela waa taandeli-the uuvu mbuno uudhigu.

-Vulika kiipango mbino:

=Hiyila mondooha

nenge mombapila u yi fike.

=Iikulya to li moshiyaha shoye Okakopi kokunwa u ka longithe awike.

=To pumbwa onduda yoye yokulala awike.

=Ninga iinima ayihe ngaashi wa lombwelwa komundohotola nenge komupangi.

OONDANDA TO DHI NU KEHE ESIKU NOTO YI KOSHIPANGELO U WENDWE ngashika wa uuthilwa.

DHINDHILIKA NAWA:

NANDO U LI NAWA ITO EHAMMA WE UUVU U LI MOLUTU NOTO PUMBWA OKUPANGWA ETHIMBO ELE LI VULE OOMVULA MBALI.

Omiti tadhi hanagula oonkondo dhaTB, ngele to dhi nu shili.

TALA NAWA U KONEKE

Justus Amkongo, amushanga mombelewa yoondjila mOndangwa, ota nyola ngeyi:

Onda hala okufatululila mboka haa ende noondjila, unene kaayendi yokolupadhi moondjila oonde nenge nakweenda nokathanguthangu, kutya: Iihauto tamu mono aluhe tayi matuka ye endelela, iitiligane yi na oshisiikilo (bonet) oshimbulau, yi noonomola **A80R**, nenge oonomola dhilwe ihe shaa tuu **A** petameko nopehulilo **R**, aahingi yihauto mbyoka oya pewa ompango kutya, inaa tsilika nando omuntu moondjila, shila ongele ho longo miilonga yoondjila. Ano ngele to shimbilike sho etashi ku pitilile, ino yemata. Opwa uthwa kutya, omuhingi ngele okwe ku tsilike, ota tidhwamo miilonga nomboloto ye otayi kana molwoye.

Iihauto yaKashitindi, ngaashi haku tiwa, oyi lile po iilonga yoondjila, u wape nawa u ende puuwanawa gwokathanguthangu a matuke muupu. Iilongitho yaKashitindi itayi tila omakuti, ku wete sho ya longa oongalama!

Aakuluntu yiilonga yoondjila oya hala Aawambo ya tseye iilonga yoondjila noya kale ya tonata mo-kweenda moondjila, opo yaa lyatwe kiihauto.

EENGHUNDANA DONGERKI YOWA-MBOKAVANGO

Oniipa. - Omukulunhu woskola yopombada mOshigambo, okwa shiivifa kutya, ovalongwa vavali mwavo va nyolele ekonakono laMatriek 1967, ova pita. Umwe Naftali Hamhata wokEngela okwa pita nawa moilongwa aische. Hamhata okwa ka twikila elihongo kuUniversiteit mou-namiti. Epangelongerki otali indile yo Epangelotumo, li indilile Naftali Hamhata oustipendi kEwilikongudu lEhanganotumo laSoomi.

OVAJUNIOR

Ovalongwa 28 va nyola 1967 ekonakono laJunior Sertifikaat Oshigambo Hoërskool, ova pita kakele ka vavali.

AMERIKA TA TUMU MEENDELELO 10,500 KUVIETNAM

Amerika ota tumu meendelelo ovakwaita 10,500 kuViëtnam, opo a ka fitike evelo opo pwa fya ovakwaita vaye vahapu omafiku aa. Otava dengwa kOvaViëtcong-querrillas eshi osha udifwa muAmerika, pashifo „Die Suidwester,, sheti-14 Febuluali.

Mu Khe Sanh moumbanganhutokelo wedu olo, onhele imwe ya fimana yOvaamerika oya kondekwa nde oya halakanifwa po. Muttue eeskepa dOvaamerika dihapu dahanaunwa po. Omikifi otadi tandavele yo neenghono movafadukipo. Onghe elenga limwe loita IOvaamerika ola pula meendelelo va wedelwe ovakwaita.

MBOKA YA PITI 1967

STAATSOPLEIDINGSKOOL ONGUEDIVA (AANVULLENDE EKSAMEN)

Aikera, Andreas K.
Akwaake, Friedriek
Amadhila, Leevi Nd.
Hamulungu, Ruben K.
Kadhikwa, J.David N.
Kangue, Oskar Sh.
Muaningange, Wilhelm
Ndukeva, Hafeni
Shapopi, Naeman
Sikerete, Bonifatius
Uusiku, Jakobus

Handwerk
Afrikaans
Omgewingsleer
Afrikaans
Afrikaans
Handwerk
Reken
Gesondheidsleer
Rekene, Handwerk
Rekene
Gesondheidsleer

STAATSOPLEIDINGSKOOL ONGANDJERA (AANVULLENDE EKSAMEN)

Abed, Selma
Amutenja, Sylvi
Hauuanga, Olvia
Jonas, Beata
Kantu, Kristofina
Muapopi, Julia
Nuulimba, Maria
Shiimi, Taina

Engels
Engels
Engels, Rekene
Rekene
Engels
Rekene
Rekene
Rekene



Omushamane Clark Clifford, omu-ministeli mupe wepopilo waAmerika

“OMUKWETU” oha zi mOniipa.- Omukuluntu gwoshifo/ Hoofredakteur: Omumbisofi Dr. Leonard Auala, amushanga gwoshifo/ Redakteur: Leonard M. Shemuvalula, Oniipa, Pk. Ondangwa.- Ondando komumvo mOwambo 60c, mUushimba nOkavango 80c. Oofuto nomambestelo naga tumwe kOmukwetu, Oniipa, Pk. Ondangwa,- Ovamboland. Moka hashi nyanyangidhwa: FINSE SENDINGDRUKKERY, ONIIPA, OVAMBOLAND, S.W.A.